

Broj 3. - Srijeda, 24. februara 1999.

(„Službene novine Kantona Sarajevo“, broj 3/99 Prečišćeni tekst)

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo („Službene novine Kantona Sarajevo“, br. 7/96, 10/96, 4/97 i 6/97) Zakonodavno-pravna komisija Skupštine Kantona Sarajevo na sjednici održanoj 22. februara 1999. godine, utvrdila je prečišćen tekst Odluke o preuzimanju prava osnivača Javne ustanove „Muzej Sarajevo“.

Prečišćeni tekst Odluke o preuzimanju prava osnivača Javne ustanove „Muzej Sarajevo“ obuhvata:

1. Odluku o preuzimanju prava osnivača Radne organizacije „Muzej grada Sarajevo“ („Službene novine grada Sarajevo“, broj 10/97);
2. Odluku o preuzimanju i izmjenama i dopunama Odluke o preuzimanju prava osnivača Javne ustanove „Muzej grada Sarajevo“ („Službene novine Kantona Sarajevo“, broj 14/97);
3. Odluku o izmjenama i dopunama Odluke o preuzimanju prava osnivača Javne ustanove „Muzej grada Sarajevo“ („Službene novine Kantona Sarajevo“, broj 21/98);

u kojima je označen dan stupanja na snagu tih odluka.

Broj 01-05-12-6/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA**O PREUZIMANJU PRAVA OSNIVAČA JAVNE USTANOVE „MUZEJ SARAJEVA“****(PREČIŠĆEN TEKST)**

Član 1.

Ovom odlukom preuzima se Odluka o preuzimanju prava osnivača Javne ustanove „Muzej Sarajevo“ („Službene novine grada Sarajevo“, broj 10/92) kao Odluka Kantona Sarajevo.

Član 2.

Kanton Sarajevo preuzima prava osnivača Javne ustanove „Muzej Sarajevo“ koja nastavlja sa radom kao kantonalna Javna ustanova u državnoj svojini.

Član 3.

Naziv Javne ustanove je „Muzej Sarajevo“ (u daljem tekstu: Muzej).

Sjedište Muzeja je u Sarajevu, Ulica Velika avlija bb.

Član 4.

Muzej ima svojstvo pravnog lica.

Član 5.

Djelatnost Muzeja:

92.52.1. DJELATNOST MUZEJA

- rad muzeja svih vrsta.
- umjetničkih muzeja, muzeja nakita, namještaja, odjeće, keramike, srebrenine, muzeja prirodnih vrijednosti, naučnih, tehničkih, istorijskih muzeja uključujući vojne muzeje i istorijske objekte,
- muzeje na otvorenom prostoru.
- ostalih specijalizovanih muzeja.

Član 6.

Muzej ne može promijeniti djelatnost iz člana 5. ove odluke, bez saglasnosti osnivača.

Član 7.

Muzej ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 8.

Danom stupanja na snagu ove odluke, Muzej preuzima objekte i opremu na korišćenje i prava i obaveze bivše gradske Javne ustanove "Muzej Sarajeva".

Objekti i oprema iz stava 1. ovog člana imovina su Kantona.

Član 9.

Izvori sredstava za rad Muzeja su:

- sredstva osnivača,
- iz naknada za obavljanje intelektualnih i drugih usluga,
- iz legata, poklona, zavještenja i iz drugih izvora.

Član 10.

Vlada Kantona daje saglasnost na pravila, planove rada i razvoja i godišnji program rada Muzeja.

Član 11.

Pitanja prava i obaveza između osnivača i Muzeja koja nisu regulisana ovom odlukom, utvrdiće se ugovorom.

Član 12.

Organ upravljanja u Muzeju je Upravni odbor od pet članova.

Jedna trećina članova Upravnog odbora po pravilu imenuje se iz reda stručnih kadrova zaposlenih u Muzeju.

Predsjednika i članove Upravnog odbora imenuje i razrješava Vlada Kantona.

Član 13.

Organ rukovođenja u Muzeju je direktor.

Direktora Muzeja imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona.

Direktor Muzeja ne može biti član Upravnog odbora.

Direktor Muzeja ovlašten je da predstavlja i zastupa javnu ustanovu u okviru registrovane djelatnosti.

Član 14.

Organ kontrole poslovanja u Muzeju je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona.

Najmanje jedan član Nadzornog odbora imenuje se iz reda stručnih radnika zaposlenih u Muzeju.

Član 15.

Radnici Muzeja ostvaruju prava u skladu sa zakonom, pravilima Muzeja i kolektivnim ugovorom.

Član 16.

Muzej, višak prihoda nad rashodima koristi za obavljanje i razvoj djelatnosti.

Član 17.

Upravni odbor Muzeja uskladiće pravila, akt o unutrašnjoj organizaciji i druga akta u roku od 30 dana od dana stupanja na snagu ove odluke.

Član 18.

Nadzor nad zakonitosti rada Muzeja vrši Ministarstvo kulture i sporta Kantona Sarajevo.

Član 19.

Javna ustanova "Muzej Sarajeva", obavezna je da u roku od mjesec dana od dana stupanja na snagu ove odluke podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

Član 20.

Za svoje obaveze Muzej odgovara svom svojom imovinom - potpuna odgovornost.

Osnivač Muzeja je supsidijarno odgovoran za obaveze Muzeja.

Član 21.

Danom stupanja na snagu ove odluke stavlja se van snage Odluka o davanju saglasnosti Upravnom odboru Javne ustanove Muzej grada Sarajeva za promjenu sjedišta Muzeja grada Sarajeva ("Službene novine Kantona Sarajevo", br. 6/97 i 9/97-ispravka).

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 25. Zakona o muzejskoj djelatnosti ("Službene novine Kantona Sarajevo", broj 2/00 i 7/05), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O PREUZIMANJU PRAVA OSNIVAČA JAVNE USTANOVE "MUZEJ SARAJEVA"

Član 1.

U članu 3. stav 2. Odluke o preuzimanju prava osnivača Javne ustanove "Muzej Sarajevo" ("Službene novine Kantona Sarajevo", broj 3/99 - Prečišćeni tekst), riječi: "Velika avlija bb", zamjenjuju se riječima: "Josipa Štadlera broj 32."

Iza stava 2. dodaju se novi st. 3. i 4. koji glase:

"Naziv i sjedište Muzeja iz st. 1. i 2. ovog člana može se promijeniti".

"Odluku o promjeni naziva i sjedišta Muzeja donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

U članu 6. dodaju se novi st.1. i 2. koji glase:

"Djelatnost Muzeja iz člana 5. ove odluke može se proširiti ili promijeniti".

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 3.

U članu 10. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 4.

Iza člana 14. dodaje se novi član 14a. koji glasi:

"Član 14a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad Muzeja,
- ako je Muzej poslovao sa gubitkom dvije (2) godine uzastopno,
- na njegov lični zahtjev,
- ako Skupština ne usvoji godišnji izvještaj o radu i finansijskom poslovanju Muzeja,
- u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova upravnog i nadzornog odbora i direktora, precizirat će se Pravilima Muzeja."

Član 5.

U čl. 17. i 19. riječ "ove" briše se, a riječ "odluke" zamjenjuje se riječima: "Odluke o izmjenama i dopunama Odluke o preuzimanju prava osnivača Javne ustanove Muzej Sarajeva".

Član 6.

Iza člana 18. dodaje se novi član 18a. koji glasi:

"Član 18a.

Upravni, odnosno nadzorni odbor obavezan je da Ministarstvu kulture i sporta Kantona Sarajevo redovno dostavlja zapisnike sa održanih sjednica upravnog, odnosno nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora."

Član 7.

Upravni odbor Muzeja dužan je da u roku od 30 dana od dana stupanja na snagu ove odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove odluke.

Član 8.

Ovlašćuje se Zakonodavna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove "Muzej Sarajeva".

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24523/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i člana 25. Zakona o muzejskoj djelatnosti ("Službene novine Kantona Sarajevo", br. 2/00 i 7/05), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

**O IZMJENAMA ODLUKE O PREUZIMANJU PRAVA
OSNIVAČA JAVNE USTANOVE "MUZEJ SARAJEVA"**

Član 1.

Član 5. Odluke o preuzimanju prava osnivača Javne ustanove "Muzej Sarajevo" ("Službene novine Kantona Sarajevo", br. 3/99 - Prečišćeni tekst i 33/07), mijenja se i glasi:

"Član 5.

Djelatnost "Muzeja" je:

91.02 Djelatnost muzeja

91.03 Rad historijskih mjesta i građevina te sličnih znamenitosti za posjetioce.

90.03 Umjetničko stvaralaštvo

95.24 Popravak namještaja i pokućstva."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-31435/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.